




تاریخ وادست

۱۳۳۶ هـ



برکون بیلنیر قیستی مجموعه مکامات
پاک چوق آرانیر اور تده مجموعه بولنیز

ایتدک شرف خدمت اجدادی فراموش
آثارینه اسلافزک رغبت اولنیز

ملک وملتہ نافع ، تاریخ ، ادبیات ، فنون ، اقتصادیات وشتون سائرہ بہ متعلق
مباحث مفیدہ فی حاوی مجموعه شہریہ در

صدر اسبق حافظ احمد پاشا مرحومک منظومہ سی (۱)

خان محمد ایدم کوچدم دنیادن
اونوتما کزینی خیر دعادن
جمع اولوب قوللرم، جمہ اعدادن
سویلمک خان احمدم آلسون اوجمی
قوماسون دشمندن آلسون دادمی
قانی اول دملرکہ ! کرہ بی الہم (۲)
طابورده کفارہ چوق قلیج چالدم
اجل کلدی آخر بن جنکدن قالد

[۱] حساب بنان ایله ۱۲ تقطیعلی اولان بومنظومہ بی سلطان احمد خان
حضرتلرینک ۱۰۱۲۰ سنہ سندہ جلوس ہایونلری اٹاسندہ والہ ماجد شاہانہ لری
لساندن اولیق اوزرہ ، مربی وندیم پادشاهی بولنان حافظ احمد پاشا انشاد
ومقام عجمہ بستہ لیہرک حربہ تشویق ونشجیح صورتیلہ حضور پادشاہیدہ
اوقومشددر .

[۲] مشہور (اکری) قلمہ سی .

سويلك خان احمد آلسون اوجى

قوماسون دشمندن آلسون دادى

اوغلم خان احمد مرد مرداندر

شوكتده سليمان ، سوزده سلماندر

مهابتده ارسلان اوغلى ارسلاندر

سويلك خان احمد آلسون اوجى

قوماسون دشمندن آلسون دادى

سپاهيله يكيچرى كسونلر

خان احمدك قوللغين ايتسونلر

جنگ كوني اوكتده باشلر كسونلر

سويلك خان احمد آلسون اوجى

قوماسون دشمندن آلسون دادى

خان احمد اولدى عالمه سلطان

مخطادن آنى صاقلاسون سبحان

آل عثمان غيرتن چكسون مرآن

سويلك خان احمد آلسون اوجى

قوماسون دشمندن آلسون دادى

عسكرى آخر يره صالماسون

اول بچ [۲] دن غيرى حصار آلماسون

ماجار قرائنده اوجم قالماسون

سويلك خان احمد آلسون اوجى

قوماسون دشمندن آلسون دادى

قزلباش باشی قالدردی دیرلر
اوصلاتمامش آتام مراد خان مکر
بن عدم شهرینه ایلدم سفر

سویملک خان احمد آلسون اوجبی
قوماسون دشمندن آلسون دادمی

مسدس جنانی چلبی [۱]

خلقک نه عجب حکمت اولور عقد ایله حلی
مرحاله مناسب کورینور جمله محلی
ایلر کیسی فکر ترقی و تعلی
ویرمش کمنه عالم سفیده تسلی

خلاق جهان، عالمه قیلدقده تجلی

هرشیشی برر حال ایله قیلمش متسلی [۲]

اولمش کیسی جمله جهان ملکنه سلطان
باشنده غم سلطنت وشوکت دینوان
اما کیمینک قدرتی یوق مفلس دوران
حالتجه ینه هربریسی خرم وشادان

خلاق جهان عالمه قیلدقده تجلی

هرشیشی برر حال ایله قیلمش متسلی

کیمش کیسی جامه، زربفت وزراندود
پشمینه کیوب کیمی کزر فقر ایله مردود
حرمان ایله کیمی، کیمی واصل مقصود
حکمت بوکه هربری ینه حاله خشنود

[۱] مصطفی جنانی چلبی بورسه‌لیدر ۱۰۰۴ سنه‌سنده وفات ایتشدیر .

[۲] «هرشیشی» برینه بعضی نسخه‌ده «هرشخصی» محرردر .